



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 149. Cardinalis Tridentinus Romam adventans.

[urn:nbn:de:hbz:466:1-66615](#)

Sæcul. XVI.

A.C. 1546.

§. CXLIX.

*Cardinalis Tridentinus Romam
veniens.*

Pallav. hist. **T**andem Cardinalis Madrutius hujus
Conc. Trid. epistolæ lator Romam venit, ac Pon-
l. 8. c. 1. n. 2. tificem, totamque illius Curiam ingenti
 timore percusso reperit, ob sparsum ubi-
 que rumorem, quod Protestantes octo-
 ginta peditum, ac quadraginta equitum
 millia conscribere, potentique hoc exer-
 citu recta Romam petere constituerent.
 Nonnullorum erat suspicio, quod Cæsa-
 ris fautores ipsimet hanc famam eo fine
 divulgarint, ut metum Pontifici incute-
 rent, eumque ad validas suppetias in-
 ducerent. Verus denique, an falsus hic
 fuerit rumor, id tamen extra dubium est,
 quod Cardinalis, qui rem majori cum ce-
 leritate maturatus ante ipsas Vaticani
 Palatii fores curra suo descenderat, vix
 Pontificem sibi valde propensum fal-
 tas-

neque Sarpius, Sleidanus, Goldastus, Surius,
 Pallavicinus, Natalis Alexander, Pagius, Ray-
 naldus Odoricus, Burchardus Struvius, Pala-
 tius, Massenius, nec alii plures, quos consului,
 de hac epistola ullam omnino mentionem fa-
 ciant, magis vero mirum est, quod ipsemet Con-
 tinuator nullum omnino Scriptorem hujus epi-
 stolæ testem alleget.

tasset, quin illico eundem, Cæsaris epistola nondum perfecta, tantopere ad quæcunque illius vota inclinatum experiretur, ut omnis precum importunitas superflua videretur: quapropter Pontifex Alexandrum Farnesium Nepotem suum, aliumve Cardinalem nominabat, qui fœderis articulos conciperent, quibus approbatis ad alteram diem, quæ erat decima nona Junii, sacrum Patrum Senatum convocavit, ut ibidem suam quisque sententiam hac super re ediceret.

§. CL.

Fœderis articuli Papam inter & Cæarem contra Protestantes.

Insuper Papa præsente die vigesima secunda Junii Conventus habebatur, in quo Cardinalis Trivultius fœderis pacta unanimi consensu firmata prælegebat, quibus primo Pontifex, postea Cardinalis Farnesius, tanquam primus illius Minister, ac denique Tridentinus, Cæsar Orator, omnesque Purpurati, ac præcipui Romanæ urbis Proceres eo accersiti subscripserunt.

His ita peractis Madrutius omni, *Pallav. n. 3.*
qua poterat, celeritate reversus, Cæarem adiit, qui pariter fœderi nequidem perlecto unice Cardinalis dex-

Sæcul. XVI.

A.C. 1546.

Sleid. comm.

l. 17. p. 593.

Ss 5 te-